



Գերմանիայի  
Դաշնային Հանրապետության  
դեսպանություն  
Երևան

## ԿՐԹԱԹՈՇԱԿԱԿԻՐՆԵՐ / ԳԻՏԱԿԱՆՆԵՐ / ԳԻՏԱԿԱՆ ՀԵՏԱԶՈՏՈՒԹՅՈՒՆ ԿԱՏԱՐՈՂՆԵՐ

(90 օրից ավել տևողությամբ, միայն ԳԵՐՄԱՆԻԱՅԻ համար)

### Վիզայի համար դիմում ներկայացնելը

Դիմում ներկայացնելու համար անհրաժեշտ է նախապես պայմանավորվածությունն ձեռք բերել: Պայմանավորվածություն կարող եք ձեռք բերել **միայն առցանց (օնլայն)**:

Օնլայն-հերթագրման համակարգ կարող եք մուտք գործել դեսպանության կայքէջի միջոցով.  
[www.eriwan.diplo.de](http://www.eriwan.diplo.de)

Գործերի քննության և մշակման ժամկետը կախված է կրթաթոշակից / ընդունելության հաստատումից:

Հայաստանի քաղաքացիների համար այցագրի վճարը կազմում է 75 եվրո: **Այն պետք է մուծել փաստաթղթերը հանձնելիս՝ համարժեք ՀՀ դրամով:**

### Դիմումի փաստաթղթերը

Դիմում հանձնելիս անհրաժեշտ է **անձամբ** ներկայացնել ստորև նշված փաստաթղթերը: Սկզբունքորեն բոլոր փաստաթղթերը պետք է ներկայացնել **բնօրինակով**, յուրաքանչյուրից նաև՝ **երկուական պատճեն**: Խնդրում ենք ուշադրություն դարձնել, որ փաստաթղթերը պատուհանի մոտ պետք է հանձնել **երկու նույնական փաթեթով** (յուրաքանչյուր փաթեթը սկսվում է դիմում-հարցաթերթիկով և պարունակում ստորև թվարկված փաստաթղթերի պատճենները)՝ դասավորելով նշված հերթականությամբ: Բոլոր փաստաթղթերը (հատկապես անձնագրի պատճենները) անհրաժեշտ է ներկայացնել **A4 ֆորմատի** թղթի վրա: Խնդրում ենք թղթերը **չկարել, չամրացնել**: Դեսպանությանը հասցեագրված ֆաքսերը կամ գրությունները չեն տեսակավորվում և չեն կցվում գործերին: Ոչ լիարժեք դիմումներ չեն ընդունվում:

**Դեսպանությունն իրեն իրավունք է վերապահում պահանջել լրացուցիչ փաստաթղթեր:** Լիարժեք դիմում ներկայացնելը դեռևս բավարար հիմք չէ վիզա ստանալու համար:

Դեսպանությունը նշում է, որ համաձայն Կացության մասին օրենքի §82–ի յուրաքանչյուր դիմող պարտավոր է ապահովել դիմումի լիարժեքությունը, որն է փաստաթղթի բացակայության դեպքում դեսպանությունը համարում է, որ այն չի կարող ներկայացվել:

### Ընդհանուր պահանջներ (ըստ վիզակոդերսի և շենգենյան ներկայացուցչությունների միասնական ցանկի)

- գերմաներենով կամ անգլերենով, **լիարժեք լրացրած** երկու դիմում-հարցաթերթիկ: Այն կարող եք գտնել մեր ինտերնետային էջում՝ <https://videx-national.diplo.de>
- 3 նոր, բիոմետրիկ լուսանկար, երկուսը խնդրում ենք ստանձել դիմում-հարցաթերթիկներին

- գործող ճամփորդական անձնագիր՝ ելքի կնիքով, որը պետք է վավերական լինի ամենաքիչը 6ամիս: (Անձնագրում պետք է լինի առնվազն երկու դատարկ էջ, իսկ վավերականության ժամկետը չպետք է գերազանցի 10 տարին)
- անձնագրի այն էջերի պատճենները, որտեղ առկա է կնիք, այցագիր կամ որևէ այլ նշում (2 օրինակից)
- ստորագրված հայտարարություն կեղծ տվյալների վերաբերյալ (տե՛ս դիմում-հարցաթերթիկը)
- կրթաթոշակի վերաբերյալ հաստատում / գիտահետազոտական հաստատության կողմից ընդունելության հաստատում / հրավեր-գրություն կամ աշխատանքային պայմանագիր (բնօրինակները և երկու պատճեն)
- կրթության, ինչպես նաև գործունեության վերաբերյալ մանրամասն, առանց բացթողումների ինքնակենսագրություն՝ գերմաներենով կամ անգլերենով, 2 օրինակից
- փաստաթղթեր նախկին գործունեության վերաբերյալ (ամբողջական տվյալներով տեղեկանք ուսման վայրից, ավարտական դիպլոմներ, աշխատանքային գործունեության մասին ապացույցներ և այլն), գերմաներենով կամ անգլերենով և կամ թարգմանությամբ, 2 օրինակից:

### **Կարևոր ցուցումներ**

Ձեր ուշադրությունն ենք հրավիրում այն հանգամանքի վրա, որ **դեսպանության շենքում վիզաների բաժնի պատուհանի մոտ** գանձվող այցագրի վճարից բացի այցագրի համար դիմելիս այլ վճար նախատեսված չէ:

Դեսպանությունը **չի համագործակցում** որևէ տուրիստական ընկերության հետ: Դա վերաբերում է նաև դեսպանության անմիջական հարևանությամբ գտնվող ծառայություններ մատուցող գրասենյակներին: Ճամփորդական կամ այլ ծառայություններ մատուցող գրասենյակների աշխատակիցների պնդումներն այն մասին, որ իրենք համագործակցում են դեսպանության հետ, **չի համապատասխանում իրականությանը:**

Ոչ **ոք** չի կարող ազդել Ձեր դիմումի հաջողության հեռանկարի վրա, քանի որ դիմումների վերաբերյալ որոշում է կայացնում բացառապես գերմանացիներից բաղկացած անձնակազմը: Եթե Ձեզ այլ բան են խոստանում, ապա Ձեզ փորձում են խաբել: Ոչ մի դեպքում փող մի՛ վճարեք:

Վիզայի հետ կապված հարցերի մասին արժանահավատ տեղեկություն կարող եք անվճար ստանալ դեսպանության վիզաների բաժնի աշխատակիցներից: Այլ անձինք տեղեկություններ տրամադրելու իրավասություն չունեն: